



金史  
卷一百一十五

董金南題端



卷緒十  
中是夏  
會稽董  
氏錄版

叙

先伯氏太史太乙先生性嗜古金石

文家所

舊藏遺

明季兵燹之餘罕有存者頻年以來極意搜羅每獲一紙輒愛玩移時不去手已復考據援証附以跋言

標曰金石續錄續之云者明歐趙都楊諸公已先有成書茲特踵述也然歷年浸久所獲終復寥寥時以無力而難聚爲憾丙戌官都門寓書交遊之宦達四方者憇憇慕榻未及一載視家居三十年來所購殆欲倍之竊喜自茲以往舉向所心艷而莫能得者或

金石續錄序

一學古齋校本

可陸續羅致以了此夙愿無何以 母老請告而歸


旋以疾卒於私第書遂止此嗚乎名位爲天之所吝事業乃造物所忌固也若茲之披尋住古收拾一二殘碑斷碣以甄別其佳惡真贗特區區藝圃文苑中之餘技耳宜若不足爲彼蒼妬者而亦將成而物敗之如此夫固不第震之所痛悼抑亦凡有心者之所深憾也先生旣歿之明年檢校遺文命猶子伯安按其世代而而前後之安曰此編大人乃依歐公例也今盍仍之予泣然曰爾父之所以例倣歐公者夫亦

以其取方多而未已故隨收隨錄卷帙不僂頻更耳  
而今已矣無復再爲增益矣歐例固難擬也安曰喏  
於是稽年而鱗次之計得跋言一百幾十首臚爲四  
卷數不及諸公之夥然有所不及收者其攷核辨駁  
並有可以正史家之紕繆者雖未敢謂金石剝落而  
此書不朽然於後之留心六書君子未必無考古取  
徵之一助也茲因詩文剞劂殆竣行及是編爲識其  
巔末如此回憶曩歲是時安兒方共事編錄今書行  
授梓而兒墓草已宿予老矣心神恍惚時若有失兩  
目昏眊幾幾不辨白黑遺藁盈篋塵網封錮誰復佐  
予不逮者悲夫康熙庚寅仲夏詞懷弟青震泣序

金石續錄序

二學古齋校本

金石遺文蒐羅編輯都爲一書者自歐陽永叔始嗣  
後曾南豐黃長睿朱紫陽洪丞相鄭樵朱長文趙明  
誠蔡正甫楊用脩王元美趙子嶠皆有成書余收藏  
既少而學識謏陋又鮮所辨正豈敢續貂但性頗愛  
此聊據所見集而成冊間附鄙論云太乙氏題



金石續錄自序

一學古齋校本

金石續錄目次

襄城 劉青藜 太乙著

第一卷 跋三十九首

夏禹衡嶽碑

周武王銅盤銘

周穆王吉日癸巳刻石

周仲尼比于墓題字

秦嶧山刻石

漢太室石闕銘 元初五年

金石續錄目次

漢少室石闕銘 延光二年

漢啟母廟石闕銘 延光二年

漢魯相置孔子廟卒史碑 永興元年

漢韓勅造孔子廟禮器碑 永壽三年

漢郎中鄭固碑 延熹元年

漢鄭固碑陰

漢孫叔敖碑 延熹三年

漢泰山都尉孔宙碑 延熹七年

漢孔宙碑陰題名

漢西嶽華山廟碑

延熹八年

漢魯相史晨饗孔子廟後碑

建甯二年

漢郭有道碑

建甯二年

漢滎于長夏承碑

建甯二年

漢李翁析里橋郟閣銘

建甯五年

漢韓仁碑

熹平四年

漢尹宙碑

熹平六年

漢白石山神碑

光和四年

漢郃陽令曹全碑

中平二年

金石續錄目次

一學古齋校本

漢曹全碑陰

魏公卿上尊號表

黃初元年

魏受禪碑

魏封孔羨奉孔子祀碑

黃初元年

魏孝文帝弔比干墓文

太和

晉太公呂望表

太康十年

晉蘭亭叙

永和九年

東方朔讚

洛神賦



後魏韓陵碑

北齊造丈八大像頌 大統三年

北齊孔子廟碑 乾明元年

隋陳明府修孔子廟碑 大業七年

隋皇甫誕碑

陳智永真草千字文

第二卷 跋三十七首

唐太宗移少林寺主檄 武德四年

唐孔子廟堂碑 武德九年

金石續錄目次

唐虞公溫彥博碑

唐九成宮醴泉銘 貞觀六年

唐萬年宮銘 永徽二年

唐三藏聖教序 永徽四年

唐道因禪師碑 龍翔三年

唐三藏聖教序 龍翔三年

唐集右軍聖教序

唐集右軍殘碑

唐龍興宮碧落碑 咸亨元年

唐碧落碑釋文 咸通十一年此不應在此以其釋上文也故附上文之下

唐修孔子廟詔表

鳳儀二年

唐天后詩 元濬二年

唐隱居王徵君口授銘 垂拱三年

唐石淙秋宴詩 久視元年

唐景龍觀鐘銘 景雲二年

唐贈歙州刺史葉公神道碑 開元五年

唐御史臺精舍碑 開元十一年

唐少林寺牒文 十一年

金石續錄目次

四學古齋校本

唐道安禪師碑 十五年

唐少林寺碑 十六年

唐元氏令麗履温碑 二十四年

唐大智禪師碑

唐尉遲迴廟碑 二十六年

唐元宗注孝經

唐華嶽精亭碑

唐嶽麓寺碑

唐雲麾將軍碑

唐郎官石柱記 二十九年

唐尊勝陀羅尼咒

天寶三年

唐嵩陽觀碑

七年

唐北嶽廟碑

七年

唐靈運禪師碑

九年

唐湛橋寺石像頌

九年

唐千福多寶塔碑

十一年

唐永泰寺碑

十九年

第三卷 跋三十一首

金石續錄目次

五學古齋校本

唐代宗勅

廣德二年

唐郭敬之家廟碑

廣德二年

唐元次山岵臺銘

大曆二年

唐大證禪師碑

四年

唐中興頌

六年

唐于祿字樣

七年

唐元公次山墓表

七年

唐贈揚州都督高公神道碑

十二年

唐義陽郡王符公神道碑

唐殷夫人墓誌

唐淨住寺文賢像銘

唐顏魯公東方朔讚

唐顏氏家廟碑 建中元年

唐不空禪師碑 二年

唐爭座位書藁

唐會善寺戒壇勅 貞元十年

唐少林寺厨庫記

唐楚金禪師碑 二十一年

金石續錄目次

唐羅池廟碑 長慶

唐嵩高靈勝碑 太和

唐尙書馮公神道碑 開成

唐元秘塔碑 會昌元年

唐圭峯禪師碑 大中九年

唐張旭斷碑干文

唐張旭肚痛帖

唐懷素藏真帖

唐懷素律公帖

唐懷素聖母帖

唐懷素草書千文

唐懷素自叙帖

唐草書心經

第四卷 跋三十八首

宋中嶽廟記 乾德三年

宋會善寺佛殿記 開寶五年

宋徐休復謁孔子廟記 淳化二年

宋贈夢英大士詩 咸平元年

金石續錄目次

宋中嶽醮文 祥符八年

宋晏殊巢父井詩 皇祐三年

宋瀧岡阡表 熙寧三年

宋黃山谷臥羊山題名 二年

宋嵩陽題名 五年

宋黃山谷達磨碑

宋蘇東坡歸去來詞 元豐四年

宋蘇東坡蜀岡詩

宋蘇東坡書醉翁亭記

宋米元章方圓庵記 六年

宋米元章千文

宋蔡襄畫錦堂記

宋蔡卞曹娥碑 元祐八年

宋刻真武經 元符二年

宋于真庵記

宋絳州孔子廟碑

宋三十六峯賦 建中靖國元年

宋竹林寺羅漢洞碑記 崇寧元年

金石續錄目次

八學古齋校本

宋黃山谷題中興頌後詩 三年

宋孔子廟記 大觀

宋嵩嶽題名 宣和七年

宋元祐黨籍碑 嘉定四年

宋韓宗道墓誌

宋韓宗厚墓誌

宋游師雄墓誌

宋朱文公書

金趙秉文草堂詩 正大

金修孔子廟碑 正大

金竹閣寺碑 正大

金葉令劉雲卿去思碑

元少林寺裕公碑

元佑聖觀重建元武殿記

元重刻送李愿歸盤谷序

元重刻唐太宗幸慈德寺詩

金石續錄目次

九學古齋校本

金石續錄目次終

金石續錄卷一

襄城劉青藜太乙著

夏禹衡岳碑

此碑宋嘉定中何致子一遊南岳脫其文刻於岳麓書院其後楊用脩刻於安甯州楊時喬刻於天開巖余所收卽子一本也據韓昌黎岫嶽詩已有手搜萬索何處有之嘆矣不知子一何從得之

周武王銅盤銘

銘在汲縣比干墓乃元延祐間衛輝路學正王悅所

金石續錄卷一

一學古齋校本

摹汝刻也偃師亦有此銘相傳云開元中縣人耕地得盤其文與此全同但萬世之靈靈作藏于焉是寶于作茲爲小異耳而或者遂謂比干墓在偃師則非也偃師雖亦殷都然殷亾在朝歌太師安得葬此大抵因獲是銘而立墓耳

周穆王吉日癸巳刻石

石舊在壇山慶歷中宋尙書祁過趙訪問遺蹟州守使人尋得之令劉莊者因鑿取輦置贊皇權郡事李中裕乃陷諸廳壁其題識文字甚鄙俚今在贊皇學



門壁間友人徐壇長贈丁亥元旦早朝歸書

周仲尼比干墓題字

隸釋諸書辨其非孔子書甚明然體自古質

秦嶧山刻石

嶧山火後傳刻失真久矣余所收乃鄭文寶本也

漢太室石闕銘

右太室闕銘在嶽廟南百步元初五年四月建分書已剝落不可識

漢少室石闕銘

金石續錄卷一

二學古齋校本

右少室石闕銘篆書在少室山少姨廟前漢安帝時建已剝落不可識矣啟母石之說已自不經而遂目少室爲塗山之妹荒誕極矣而楊炯碑云后宗之位象南宮之一星外戚之班比西京之列傳亦猶蔣侯三妹清溪之軌跡可尋虞帝二妃湘水之波瀾未歇何止祠稱丁婦廟號滕姑少女宅于西宮夫人館于南岳織組雖工不當有識之一噓也元遺山云可憐少室老突兀也被人呼作阿姨余每讀之不覺失笑

漢啟母廟石闕銘

右石闕在啟母廟南漢延光二年潁川太守朱寵造  
大篆其可識者戶曹史 及辛癸之間數字而已啟  
母事諸書所載誕怪可笑而崔融廟碑云鸞川之上  
母變空桑豚水之濱男生破竹美人之虹名端嶺仙  
婦之月作蟾蜍劈積鋪張信爲實事無識甚矣乃譏  
顧野王輿地志盧元明嵩高記不尋漢避景帝諱改  
啟爲開之旨以啟母爲陽翟婦人何異同浴譏裸

漢魯相置孔子廟卒史碑

右碑乃魯相乙瑛請于孔子後選試一人爲百石卒

金石續錄卷一

三學古齋校本

史管領禮器而立也時克選者孔龢孔子十九世孫

司徒司空以元嘉三年三月二十日壬寅奏洛陽宮

卽日下魯相承書從事永興元年元嘉只二年至三年五月改元永興

六月十八日辛酉魯相平行長史事太守長壇上司

徒司空府歐公云碑完好可讀錄之以見漢制三公

奏事如此與羣臣尙書者小異也又見漢祠孔子其

禮如此以碑文較之歐公益節錄耳未備錄也然亦

有本文不宜節者按碑先聖師侍祠者孔子子孫太

宰太祝令各一人皆備爵與加寵子孫敬恭明祀及

能奉<sub>一云</sub>先聖之禮爲宗所歸者<sub>一云</sub>蓋當時請置百

石卒史掌領祭器明係于孔子宗支選之如省去則  
本事不明矣至趙子函所云洛陽宮下二十八字歐  
洪都皆不之及者則亦有說此二十八字乃司徒司  
空名字鄉里本與上文不屬因此下有空處故勒于  
此耳碑後讚曰巍巍大聖赫赫彌章下將相乙瑛令  
鮑曇名字鄉里填入體製殊不類瑛字少卿歐公云  
仲卿亦誤至張稚圭所題鍾繇書者其謬明甚不待  
言也上書者相瑛及書下時相乃平也碑文自明康

金石續錄卷一

四學古齋校本

熙丙戌五月二十五日暢春苑浚甯居引見畢歸慈  
仁寺書

漢韓勅造孔子廟禮器碑

韓明府造孔子廟禮器碑漢桓帝永壽二月立後列  
明府名字及出錢姓名八人明府河南京人名勅字  
叔節歐公以史傳未有名勅者廣川書跋云勅字从  
束謂誠也明府自名勅古者以勞賚爲勅音文俱別  
南齊有劉勅爲始興內史其言甚辨足正六一之誤  
又歐公以霜月皇極日爲文字之弊而都元敬亦以

雜用讖緯薄之良是趙子函顧稱其記法簡質非今所能吾所未解碑隸書瘦硬平直與卒史全不相肖而子函謂與無二亦不然也碑人作仁及作伎其作琦瑚運作胡輦康熙四十七年八月八日東軒書

漢郎中鄭固碑

此碑歐公云已磨滅余所收僅上段十八字而又多剝蝕然其可識者與集古錄可參觀也授業于歐陽下遂窮究于典籍句至今尙存而歐本無之弱冠仕郡史諂曹掾史主簿督郵歐本無弱冠字郡下無史

金石續錄卷一

五學古齋校本

字諂作諂又乃遘凶愍年卅二句男孟子有楊烏之才句又以旌遺芳其辭曰於惟郎中實天生德順親誨弟虔恭缺二教缺一以義缺世恆式從政事上以

忠自最貢計王庭華夏歸服缺一雅意色斯自得乃

遺氛災隕命顛沛家無所怙國缺一嗟嗟孟子苗而

弗毓似致元兄修孝罔極此皆歐本所無者孟子

明係其子早夭者銘辭雖缺畧然於惟郎中句猶可以知其官不待碑首而知之也故詳錄之使後世有

所考云

漢鄭固碑陰

右碑陰列中部督郵一人門下督盜賊劇一人門下議史一人門下書佐二人騎吏劇一人故吏五人書

佐十二人行義劇一人循行十九人書佐劇三人午

六人缺一人小缺一人銘曰豎建厝碧惟故臣吏愼

終追遠諒闇沈思守衛墳缺禮備陵成字立樹列既

就聖典有制缺墓側永懷缺不可缺以義割思似志

寫著遺辭以明本意魂靈瑕顯降垂嘉祐題名凡作

三段鄉里名字俱詳而銘勒于後題名後銘他碑所

金石續錄卷一

六學古齋校本

無而其字缺者尙少故詳錄如右循行見漢志集古

錄作脩行似誤

漢孫叔敖碑

延熹三年五月二十八日立据碑固始合段因夢叔

敖架廟銘碑期思縣宰段光興祀立壇刻石銘碑似

有兩碑今只存其一碑中叙叔敖事多列子莊子左

氏呂氏春秋賈子所不載者又或一事而有詳畧同

異猶可曰別有所据也叔敖仕楚本虞邱相進之于

莊王以自代其卒也亦在莊王之世莊王之後凡四

傳而至靈王此最爲易知者而碑云生于季末仕于靈王卒後數年莊王置酒優孟乃言云其乖謬至此可謂甚矣而歐公不之摘但以因碑得知叔敖名饒爲幸董道亦不之及但謂安順以後諸儒造爲異說所紀諸名字爲西漢所不道者皆不足信而已又云寢邱乃叔敖所命于其子者子孫能守不廢又河至乞食優孟而後求封此地哉按召叔敖子封之寢邱載于史記而呂氏春秋云敖戒其子曰我死王必封汝汝無受利地荆楚間有寢邱者其爲地不利可

金石續錄卷一

七學古齋校本

長有也其子從之碑云叔敖子云父有命如楚國不忘亾臣而欲有賞必如潘國下濕磽塉人所不貪遂封潘鄉正於史記呂氏春秋合此無庸指摘者也廣川書跋引証辯駁最爲精核其中駁正歐公者如華岳碑之集靈宮朱龜碑之討益州事韓勅之名勅唐之有兩崔敬嗣眞足正廬陵之謬訛而此與歐公同一忽畧何邪又碑云固始令段夢見孫君則存其後就其故祠爲架廟屋立碑而道云架廟堂屋以存其後亦與原文不合存其後自爲一事非堂屋以存之

也

漢泰山都尉孔宙碑

宙卒于延熹六年碑立于延熹七年歐董皆誤作四年當以趙子函為正至于人臣而引禹湯為比在今

人于文為不類歐公之言良是而董道歷引詩書以

為古人臨文不諱其氣固已蓋天下矣文之佳惡豈

關諱不諱哉持論如此與兒童之見何異桓帝紀云

元嘉二年冬太山瑯琊賊公孫舉等反叛殺長吏明

年秋七月初置太山瑯琊都尉官都尉建武七年省

惟尉置邊郡及屬

入學古齋校本

國都茲因寇盜不息故置碑云東岳黔首猾夏宙為都尉當在此

時政與紀合又紀云永壽二年秋七月泰山賊公孫

舉等寇青兗徐三州遣郎中段熲討破斬之熲傳云

泰山瑯琊賊犯東郭竇公孫舉等聚眾三萬人遣兵

討之連年不克永壽二年司徒尹詒薦熲拜為中郎

將擊竇舉等大破斬之獲首萬餘級餘黨降散都不

見宙名字且永壽二年秋七月置太山都尉官三年

秋七月賊始平而碑云旬月之間莫不解甲亦夸而失實矣宙二子褒融宙卒時融年十三褒當更長又

金石續錄卷一

皆早慧碑內皆畧而不書何邪

漢孔宙碑陰題名

碑陰列門生門童故吏故民弟子共六十二人歐公謂親受業者爲弟子轉相授者爲門生洪丞相謂未冠曰門童掾屬曰故吏古籍曰故民然門生前列次門童次吏民而弟子反居最後何邪門生四十二人歐公云四十三人而門童一人竟遺之

漢西岳華山廟碑

此卽諸書所辨郭香察書者也据石墨鐫華嘉靖間

金石續錄卷一

九學古齋校本

爲華陰令所毀錢牧翁所收缺百二十字以爲難得丙戌春客京師宋太宰出所藏本索予爲之跋僅缺十餘字信可寶也字體遒勁在漢隸中別爲一種李北海葉有道碑似發源于此丙戌夏領賜書歸書

漢魯相史晨饗孔子廟後碑

晨以建備元年四月十一日到官行秋饗飲酒泮宮復禮孔子而無公出酒脯之祠輒依社稷出王家穀春秋行禮二年三月七日上尙書叅驗後饗于堂廟故復勒此碑文辭古雅尙存漢人餘風所謂並列本



奏者卽上尙書原文也按前後二碑所謂依社稷出王家穀者蓋社稷之祀漢制皆公出而于時孔廟尙無定制故依其例也王家穀卽公帑卒史碑春秋饗禮財出王家無極廟碑祠牲出王家與此正同而趙子函云自出俸錢以供禋祀顧亭林金石文字記直以史晨請出家穀祀孔廟標目其亦不審矣

漢郭有道碑

据石墨鐫華碑已經三刻劉豹南侍御案河東日曾寄余一紙其離奇變化猶髣髴行間漢碑例不著撰

金石續錄卷一

十學古齋校本

書姓名諸碑之傳爲中郎者皆無徵獨此出中郎手無疑恨不得元本耳余又疑此碑失傳或不在近代若如鐫華所云則未經秀才昇去之先歐趙諸公何不一言及之耶康熙四十四年九月九日東軒書

漢滙子長夏承碑

右碑明係宋時重刻而楊用修都元敬王元美皆云漢刻何邪刻手不佳神氣全失所謂隸法兼篆籀則信然也

漢李翁析里橋鄴閣銘

是碑余家無之丙戌官都下于同館萬授一檢討許  
得細閱之乃孫北海公藏本孫祭酒樹峯先生售之  
而授一借觀者碑建甯五年立文中驛散關之嶮深  
徙朝陽之平燥及遭遇噴納等語歐公疑之董道楊  
用脩釋之然要險僻不足法也其字亦太涉于怪非  
漢碑之佳者康熙四十五年十月二十一日慈仁寺  
書

漢尹宙

碑在鄆陵因洎水泛漲岸崩而得之以近出故完好

金石續錄卷一

十一學古齋校本

無缺按碑宙字周南鄆陵人高祖父皆具官而不詳  
其名宙歷任主簿督郵五官掾功曹守昆陽合州辟  
从事名位甚微而碑云正色立朝又謂本温良恭儉  
之德得無失實乎然其分隸方整渾穆信漢碑之尤  
者余所得韓仁及此碑皆趙子函所未覩所謂埋沒  
地下以待後死者信矣宙卒于熹平六年碑首有孔  
右篆從銘二字康熙四十五年十二月入都之前二  
日東軒夜書

漢韓仁碑

碑在滎陽正大間滎陽李天翼掘地得之趙公秉文  
李公獻能皆題其後仁循吏不見于漢史非此碑則  
其姓名亦不傳矣碑止載當時下書監石原文不贅  
一辭甚爲古雅雖間有殘缺猶可讀也以世之知之  
者少故備錄之熹平四年十一月甲子朔廿二日乙

酉司隸缺河南尹校尉缺聞典統非任素无績勲缺

善缺仁前令聞熹經國以禮刑政得中有子產君子

字缺三尉表上遷槐里令除書未到不幸折命喪身爲

字缺五祀則祀之王制之禮也書到郡吏以少牢祀缺

金石續錄卷一 士學古齋校本

冀行勗屬清惠以佺其美監石訖成表如律令十一

月二十二日乙酉河南尹君丞憲謂似詣京寫缺墳

道頭訖成表言會月卅日如律令据碑仁墓當在京

惜失其處趙公謂其字類劉寬寬碑今不存無從考

然敦朴自是漢人書也閑閑金源名宿雅以書名此

跋分書殊不佳

漢白石山神碑

碑在眞定元氏縣無極山中分書漢光和六年立碑

首篆白石神君碑五字陽文碑後列常山相馮巡元

氏令王翊及長史丞尉椽史諸名又有石師王郎殊不曉石師所謂豈伐石匠耶抑石神巫師耶後又贅燕元璽二年正月十日主簿程大守門傳白石將軍教立祠今爲火所燒文義旣乖謬字亦不類其爲後人贅刻無疑元璽慕容儁僭號也按集古錄所載乃光和四年常山相馮巡元氏令王翊使常山蓋上黨范遷詣太常爲無極山神索法食得請因而造廟立碑此碑蓋享祀之後年豐民和而禮神功者也四年請祀事亦具列碑中云漢隸多匾而此碑字體獨長

金石續錄卷一

三學古齋校本

白石神君事殊不經而詣闕請祀當時禮官亦不聞駁正蓋漢至靈帝政衰國危國將亾聽于神無足怪也乙酉予將北上田子青笠東子購之丙戌十一月五日友人徐壇長用錫見遺因書

漢郃陽令曹全碑

碑在郃陽萬曆間始出故字完好趙子函謂其西降疏勒事與范史不合信然碑云續遇禁網潛隱家巷光和六年復舉孝廉禁網似指黨錮而言按全生平未見與黨人有連似不應波及且按中平元年黨禁

始解光和六年尙未赦安得舉孝廉耶豈所謂禁納者以他故羅文法邪至清儼夷齊等語言甚不倫東漢之末文衰辭夸碑銘大抵如是耳其隸法適古饒有逸韵近人多目爲中郎書中郎以光和二年的命吳會自是十二年始爲董卓召用是碑造于中平二年正其亡命時也安得書此此本不足置辨因近世附會者衆聊及之余家舊無此本時從友人田子青笠借觀丙戌官都下友人方子養虛正珙贈一本邵陽康子孟謀乃心寄五本貧兒暴富不減坡公讀漢書後也康熙四十六年十月十五日 太和殿早朝

謝恩歸書

漢曹全碑陰

縣三老一人鄉三老一人徵博士一人門下祭酒一人門下掾門下議掾各一人督郵二人將軍令史一人郡曹史守丞二人鄉嗇夫一人功曹十三人賊曹史二人金曹史一人集曹史一人法曹史一人塞曹史二人 缺部掾一人 缺曹史一人處士一人郵掾一人市掾九人主簿一人門下賊曹吏一人門下史一

金石續錄卷一

十四學古齋校本

人義士四人中有殘缺五行不知爲何等人也博士李儒見前碑內諸人皆書字下列五百三百皆所出錢數也至于干而止

魏公卿上尊號表

魏受禪碑

二碑在今許州之繁城卽漢之繁昌縣也碑故在受禪壇上後移置漢愍帝廟中廟舊祀曹丕邵公二泉刺許日改祀獻帝又以獻魏諡乃從蜀諡而稱愍有碑記其事文頗雅馴是碑劉禹錫以爲王朗文梁鵠

金石續錄卷一

五學古齋校本

書鍾繇鐫世號三絕顏魯公云鍾書而右軍云之許下觀梁鵠鍾繇書以余觀之勸進蒼勁而受禪方整與孔羨碑酷肖雖未知的出誰手要之爲兩人無疑余嘗恨以篡逆爲揖讓始于當塗直至于朱梁作俑之罪不可勝誅而彼且大書深刻以誑後世何其無恥也特以字書之工爲翰墨家之所寶重耳舊題長句榻本後云承露金人淚漫流山陽轉瞬爲陳留父爲文王子舜禹空將唾罵遺千秋遺臺百尺繁昌縣狼淵之東憶曾遊受終壇荒餘老樹陰風白日聞鶴

鵠雙碑移來愍帝廟突兀尙爾蟠龍虬其一勸進頌  
功德相國臣歆冠百僚叶延陵退讓非達節會稽鬱  
悒蒼梧愁其一咳口獻禎祥援引螻出狼啣鈞靈宮  
壇墮陳牲幣納璽告類垂九旒借問撰刻者誰氏文  
出王朗字鵠繇龍威虎震鴻鵠戲七尺並峙嵩少儔  
惜哉不書諸葛表兼金片紙逾琅瑤流傳終賴點畫  
工觀經鴻都人同稠墻根更有蛟螭蟠讀來如翳豁  
雙眸涑水老子尙糊塗索米小兒安足尤炎正一綫  
章武繫紫陽巨筆橫戈矛螟蝗蝮蝎合驅逐廟貌茲

金石續錄卷一

大學古齋校本

土無乃謬

叶

春秋大義炳日星奸醜立禡辱主扶

叶

現玉秋霜北海相君臣一體殲戮羞華袞鈇鉞儼在  
手二泉此舉何其適辭嚴義正氣磅礴嗟爾雙碑殊  
薰蕕願將巨斧劈雙碣一洗萬古之餘臭叶

魏封孔羨奉孔子祀碑

魏黃初元年封孔子廿一世孫羨爲宗聖侯兼脩廟  
宇故有是頌書法與受禪如出一手張稚圭云按圖  
記陳思王植作詞梁鵠書未知何据

晉太公呂望表

碑在汲縣西門甕城太公廟西壁間太康十年立分書既不大佳又係後人重刻余嘗摩挲久之康熙四十六年請假南歸塗次書

晉蘭亭叙

近世摹刻甚多未見佳者聞王山史家有五字不損本惜未見

晉孝文皇帝吊比干墓文

碑正書在比干廟大門內墻西倚北壁字多奇怪

東方朔讚

金石續錄卷一

上七學古齋校本

此讚殊不似右軍山谷謂似吳通微黃庭外景者亦不盡然也

洛神賦

山谷疑非子敬書然筆勢翩翩自可愛也

後魏韓陵碑

碑在彰德府北韓陵山定國寺內蓋當時既破爾朱榮于此建寺山上而樹碑以旌其功也子昇才藻自是北土之傑然此碑似不及殺爾朱榮赦詔所以至今艷稱者以徐孝穆片石共語故耳舊碑已殘缺子



所收乃明季「司李重刻者余嘗有韓陵懷古詩云  
穀塘原上北風起黃鴈桃弓朝接趾牝雞虐言高浮  
圖刀筆小才眞宰豈霸業將歸賀六渾天柱永安博  
一死雨雲六陣借蛟龍高牙早建陽曲裏素箏濁酒  
天遣來冀州坐送滏口壘洹水軍集紫陌屯韓陵圓  
陣古無比人物北朝溫子昇陵顏轅謝擅長技天上  
石麟過江來黃絹如聞夸子禮精廬半圻沃壤荒雨  
溜苔蝕字欲毀停車落日弔遺蹤片石摩挲嘆不已  
憔悴卻思剪馬時三寶陰謀誰相啟癸惑入斗下殿

金石續錄卷一

六學古齋校本

走青雀旋作鸚鵡子彼此何殊貉一邱以暴易暴甯  
足美黑獺戰場柳成林湄曲不洗寶泰恥鼓山佛頂  
今已空石馬嘶風臨漳水葉燃河邊殺懸飛鑄像一  
瀉奪玉璽犢車載出雲龍門舜禹之事乃如此西陵  
咫尺阿瞞鄰一例周文差相擬

北齊造丈八大像頌

右頌不知故在何處今爲許昌關壯繆廟卓刀石字  
跡猶存頌無撰書名据文齊天統五年邑義 一百  
人等造丈八大像其頌曰寶殿蓮基尊像靜嘿聲聞

菩薩侍立其側徒衆和雍僧房嚴飭禪誦歎詠晝夜無息以此福緣壽根無極又云其建福處也北連名山大邱之廟南有高岡胡城永固處在中央亦不知今何處也題名自諸維那外皆署邑子而朱姓居十之九其名絕竒如朱領年朱羅漢朱阿童朱又余朱醜朱歡喜之類甚多

北齊孔子廟碑

碑分書極佳但剝落所存無幾字唯齊乾明元年字可識耳乾明齊廢帝年號也

金石續錄卷一

九學古齋校本

隋陳明府修孔子廟碑

碑大業七年七月二日立濟州秀才前汝南郡主簿

仲孝俊作文無書者姓名而下書孔子卅一世孫孔

長名卅缺三世孔子歎字分隸雖頗有古意而去孔

羨碑天淵矣陳明府名叔毅字子嚴碑云陳宣帝之

子按史宣帝四十二男未及封者八人叔毅其一也

入隋爲曲阜令勸孔宗修堂廟碑疑卽孔宗所立云

隋世最重秀才一代僅十數人孝俊不見于史据此

文似不足與杜正元兄弟同科也

金石續錄卷一終  
陳智永真草千文

永師右軍七世孫書法秀逸可謂克肖但草書拘于  
行次字必單行無復變化之妙据大觀乙丑薛嗣昌  
跋乃長安崔氏所藏真蹟勒石漕司南廳薛書摹永  
亦自優孟

隋皇甫誕碑

碑于志簡撰歐陽詢書誕仕隋官至并州司馬總管  
仁壽四年死漢王諒之難贈柱國光祿大夫封宏義  
公諡曰明詳隋史誠節傳碑與史合而賜帛五千疋

金石續錄卷一

于學古齋校本

粟二千石以資喪事則獨詳于碑碑不書建立年月  
而石墨鑄華謂立于唐者以于歐署銜及其子無逸  
署民部尚書滑國公知之也書自峭勁然不及醴泉  
宮銘之秀潤

金石續錄卷一終

金石續錄卷二

襄城劉青黎再太乙著

唐太宗移少林寺主檄

此武德四年太宗移少林寺主檄也自稱太尉尙書

令陝東益州道行臺雍州牧左右武侯大將軍使持

節涼州總管上柱國秦王世民檄是時寺僧曇宗等

執世克姪仁則翻韓州來歸檄所謂擒彼寇孽奉順

輸忠卽指此也辭氣壯朗得告諭體正書筆筆藏鋒

致爲蒼老太宗諱以渴筆草書填之故開元帝題額

金石續錄卷二

一學古齋校本

謂太宗文皇帝御書云

唐孔子廟堂碑

太子中舍人行著作郎虞世南撰并書司徒并州牧

太子左千牛率兼檢校安北大都護相臣王旦書

字蓋武德九年詔修孔廟明年仲春釋菜祭酒楊師

道奏請勒碑也余所收凡二本其一後署興軍節

度管內觀察處置等使特進檢校太師兼中書令行

京兆尹上柱國瑯琊開國公王彥超再建乃長安本

也形模僅存而鋒銳盡失其一鄒縣本神采奕奕尙

自動入真得永師筆法但作相臣王且則所未喻碑  
中歌字作哥南史已然不足異也戊子中秋前一日  
書

唐虞公温彦博碑

碑已殘闕僅存上段十八字又多剝落碑前題唐特  
進尙書左僕射上柱國虞公温公碑字隱約可識其  
後云祖裕魏大中大夫又云大業之始以親喪去官  
又出奔高麗旣而乘轅南返詔公銜命蕃境又云爲  
東北道詔討大使又詔民部尙書莒公國唐儉工部  
侍郎盧 護喪并給東園秘器賻贈一千段皆本傳  
所不詳者彦博辭令進止見稱當時碑云瓌姿丹舉  
韶音玉振非溢美也碑歐陽詢書比皇甫碑差小王  
元美以標格清峻目之良然子通書全出于此而不  
逮遠甚

唐九成宮醴泉銘

秘書監檢校侍中魏徵撰太子率更歐陽詢書詞書  
故精勁而此銘尤爲秀潤皇甫碑尙不及也九成卽  
隋之仁壽宮在麟游縣西五里隋文帝十三年命楊

素營臨幸者六竟終于此貞觀五年復置更名九成  
太宗前後凡五幸之周垣千八百步并置禁苑及府  
庫官寺等銘云損之又損去其太甚雜丹堊以砂礫  
間粉壁以塗泥恐亦非實然以人從欲良足深尤居  
高持盈永保貞吉云信有箴規之意非鄭公不敢  
道也醴泉謂其甘如醴耳似不必置辯董道極淹博  
此跋云未免多事

唐萬年宮銘

萬年宮卽九成宮銘高宗御製并書行草輕健神致

金石續錄卷二

三學古齋校本

飛揚絕類聖教永徽二年二月十五日勒碑陰從官  
五十餘人自書官名惜不之見

唐三藏聖教序

右聖教序記分刻慈恩寺兩龕序後署永徽四年十  
月十五日建中書令臣褚遂良書記前署永徽四年  
十二月十一日建尙書右僕射上柱國河南郡開國  
公臣褚遂良書兩碑相去僅月餘而結銜不同何邪  
正書時兼行筆間用分隸古茂似在同州本之上而  
子涵云同州較勝殊未確董道云河南本學逸少而

能自成家法疏瘦勁鍊又似西漢往往不減銅筋筆  
書其論甚精而張懷瓘乃以畫虎效頻澆漓後學罪  
之可謂謬妄矣

### 唐道因禪師碑

道因嘗與<sub>三</sub>元奘證譯梵本顯慶三年死碑建于龍朔  
三年中台司藩大夫隴西李儼字仲恩製文奉議郎  
渤海縣開國男都尉歐陽通書古碑篆額而無題亦  
不書撰書姓名唐碑皆有題有撰書姓名而但云某  
撰間曰某製名下附字者絕少此碑碑下加文字名  
下附字製下加文則贅甚矣且撰者字而書者獨名  
亦未安蘭臺書世稱險勁比其父書失于瘦怯董道  
謂失于豐濃余則謂失于局促耳

### 唐三藏聖教序

此碑乃龍朔三年刻于同州者較塔本頗小筆力雖  
遒勁然神氣遠不逮也後署云大唐褚遂良書在同  
州倅廳按古碑署名未有以國號系之者亦未有畧  
其官階直書姓名至于贅以在同州倅廳則尤爲可  
笑其爲後人附益明甚王元美疑之良是

唐集右軍聖教序

王元美曰右軍真蹟自禊帖外不應行法大小勻整乃爾且梵字多所不備小小展縮偏傍湊合所不免也予謂懷仁集書累年方就宣和書譜明云集右軍諸行字所成則展縮湊合不待言也集帖之工以此爲最他如興福寺殘碑絳州碑遠不及也以摹榻者多糊塗已甚余所收者乃友人張子員喬所藏宋榻

唐集右軍殘碑

碑上段已缺据其可見者則神龍開元間宦者吳諱

金石續錄卷二

五學古齋校本

文之墓碑也其官階猶歷歷可考有云夫人恆國李氏圓姿替月潤臉呈花可爲噴飯集書雖不及聖教然此闕亦黠矣

唐龍興宮碧落碑

碑在今絳州龍興觀觀舊名碧落碑之得名以此諸公聚訟要以李肇爲是韓王元嘉子訓誼謬謚造石像以追薦其母妃故有是碑李肇爲陳惟玉書李漢爲黃公譔書迄莫爲定而洛中紀異所云二道士書化爲白鶴而去尤誕怪不足信也篆法竒古宜陽冰



爲之傾倒中缺四字或謂陽冰毀其佳者而去余謂此碑篆法前後一律何所分別而偏毀數字耶且陽冰亦未必忌刻至此殆好事者爲之耳按唐書韓王好學藏書萬卷皆以古文字參定異同子諤封黃公工辭章孟利貞嘗稱其文曰劉隣之周思茂不是過也家書甚多皆文句詳正祕府所不及据此則謂碑爲謬書理或然也韓王垂拱中嘗爲絳州刺史在立碑後碑咸亨元年立

唐碧落碑釋文

金石續錄卷二

六學古齋校本

咸通十一年鄭承規奉命書筆力頗健但少精神子涵謂有歐虞遺意恐未必也所謂奉命書者亦不知阿誰所命

唐脩孔子廟詔表

唐太宗封孔德倫爲褒聖侯詔一通武德九年十二月廿九日下高宗加贈孔子太師詔乾封元年正月廿四日下祭文一通則二月二日遣司稼卿扶餘隆以少牢祭孔子者也與大子宏靖樹碑表一通合爲一碑鳳儀二年七月立封孔德倫事太宗紀失載高

宗以麟德二月如太山明年正月改元乾封幸曲阜  
祠孔子本紀所載與詔所云展采東巡回輿西土塗  
經茲境者正合碑分隸全摹封孔羨碑而筆力遠遜  
碑後有昌明二年九月提控修廟朝請大夫開州刺  
史高德裔所紀易跌事行法酷肖米海嶽又碑書太  
宗詔而石墨鐫華云高祖詔以年署武德故也太宗  
以武德九月卽位而詔不在十二月子函偶失檢耳

唐天后詩

武后詩一首題云從駕幸少林寺觀先妃營建之所

金石續錄卷二

七學古齋校本

用述悲懷又書一通則遣三思賚金絹等物付僧營  
建者也自稱弟子殊可笑永隆二年九月王知敬書  
按史高宗永隆元年二月丁巳如少室所謂從駕想  
卽是役也知敬書峻利豐秀信如昔人所稱惜刻手  
不佳不免失其真氣耳

唐隱居王徵君口授銘

王君名元宗字永真垂拱三年卒臨終口授其弟紹  
宗而紹宗甄錄之者也紹宗官正議大夫行秘書少  
監東宮侍讀兼侍書法書要錄謂其才高書古述書

賦極贊其書云如曲圃鴻飛芳園桂植中年小真書  
體象尤異沈邃堅密而此碑殊不稱豈銘雖手錄而  
碑出他手乎紹宗列新唐書儒學傳而[元]宗附見云  
隱嵩山稱太和先生通黃老術但未經辟召而稱徵  
君何耶

唐石淙秋晏詩

石淙在登封東南三十里卽平樂澗也叢石攢立或  
插水中或倚巖畔高低縱橫千態萬狀水嚙石根環  
轉穿流至兩峯夾處瀉注淙泓名曰車箱潭潭上有

金石續錄卷二

八學古齋校本

天然洞唐武后于此崖建三陽宮嘗遊于此諸臣侍  
宴賦詩刻于南崖石壁前列武后序七言律詩自太  
子顯以下應製者凡十有七人相王且武三思閻朝  
隱崔融薛曜徐彥伯楊敬述狄仁傑張易之張昌宗  
李嶠蘇味道姚元崇于季子沈佺期宋之問杜主麀  
臣荒遊酣晏而一二端人亦預其間可謂薰蕕混雜  
詩旣鮮佳者而失粘尤多薛曜書大徑三寸瘦勁而  
露筋骨似公權之前矛然結體不及也詩中多用武  
后製字按后紀以久視元年詔于神都作三陽宮四

月幸之聞七月再幸詩當題于此時是月李嶠罷九月狄仁傑薨不應有詩矣

唐景龍觀鐘銘

觀唐中宗造睿宗鑄鐘製銘前有序云考虞倕之懿法得晉曠之宏規廣召鯨工遠徵鳧匠蓋六朝之餘體也正書時用隸法敦朴饒有古意後署景雲二年土鑄成

唐贈歙州刺史葉公神道碑

此道土葉法善之父慧明神道碑也開元五年七月

金石續錄卷二

九學古齋校本

建首行剝落但存江夏李

下缺三字

國子

缺

太學生

下分

隸道古絕似西岳華山碑歐公云李邕撰并書而不

言正隸趙明誠錄二碑一爲李邕行書一爲韓擇木

八分趙子涵所得正分書而傳爲邕書嘗以爲疑余

所見田子青篋家藏二本其一行書明係邕書其一

分書卽是碑江夏李下雖有缺字要亦邕書也殊與

金石錄不合新唐書法善傳云睿宗之立或言陰有

助力碑中殄滅元寇翼扶皇統之語當謂是也第生

而知之與丕承之業

云

云施之方士殊爲不倫

唐御史臺精舍碑

崔湜文梁昇卿追書湜爲人傾邪險惡穢汚史冊其  
文亦政復不減董道以精舍字失考責之雖極博辯  
抑又末矣昇卿分隸精工峻拔卓然名家其東封朝  
覲碑今不存聞蒲州首陽山有二賢廟碑晉囑友人  
購之尙未得也

唐少林寺牒文

寺僧曇宗以翻城功授大將軍賜寺地四十頃武德  
五年寺廢八年仍置莊寺僧彥等請改爲賜田旣

金石續錄卷二

十學古齋校本

經勘實而牒之也開元十一年牒書法穩秀山谷云  
武德中省曹符移字畫猶有鍾元常筆法此牒殊不  
類鍾而頗得承師于文筆意碑後復贅云唐武德四  
年太宗文皇帝勅授體殊不合字亦不類當是寺僧  
妄贅耳

唐道安禪師碑

右碑開元十五年建宋儋撰并書儋字藏諸廣平人  
以書名開元間官秘書省校書郎述書賦謂其書作  
鍾體而側戾放縱跡不副名山谷題縫本帖云宋儋

姿媚尤宜于簡禮惜不多見又云僖筆墨精勁但文辭蕪穢不足發其字是碑極贊道安云道以生知德惟天縱其蕪穢可見書信精勁但過于作態誠如側戾放縱之譏滄化第五雜帖錄僖書與斯邈并列東觀餘論譏之云僖明皇時人不應意爲遠古人又云僖有嵩山圭禪師等碑亦不工圭禪師碑今不存獨此碑耳

### 唐少林寺碑

碑建於開元十六年裴灌文并書刻于太宗檄文之

金石續錄卷二

士學古齋校本

下明皇分書于碑首故文有御書碑額之語碑文冗雜不稱霹靂之名誠如元美所譏其書則絕似同州聖教序也

### 唐元氏令麗履温碑

碑開元二十四年建邵混之纂蔡有鄰書蔡書在開元間最爲擅名歐陽公尤貴重之謂其書難得而小字尤佳與三代彝鼎銘何異然歐公所錄僅三碑而已此碑及尉遲迴碑固未嘗見也丙戌十一月都門從徐壇長借觀跋

唐大智禪師碑

大智見新唐書方技傳碑嚴庭之撰史惟則書惟則分隸盛爲寶泉張懷瓘所稱以余觀之體製茂密融鑄有法但覺俗氣未除謂爲開元第一未敢信也挺之文尤繁蕪而石墨鐫華云麗則可誦亦所不解碑陰楊伯成撰亦史書惜未見

唐尉遲迴廟碑

碑在彰德城西北隅尉遲迴廟中成伯嶼撰蔡有鄰書此碑見廣川書跋而都元敬楊用脩趙子函皆不

金石續錄卷二

士學古齋校本

之及土人云近歲縣丞某重脩廟掘地得之或明季埋沒地中平有鄰濟陽人張懷瓘謂衛中多其遺蹟今所存諸碑大都在河朔間也石經讚崔潭龜詩諸碑歐公盛稱之而董適不之及豈董時已不存與

唐元宗注孝經

開元帝注孝經御書太子亨題額前有御製序簡當有體分書豐茂英特殊勝史維則也

唐華岳精享碑

主簿咸廡撰文殿中侍御史劉昇書隸法古勁乃唐

碑之猶存漢意者然不及韓蔡輩也碑題名甚多惟興元間盧儻崔漢衡分書甚精工丙戌冬月友人徐壇長贈

### 唐岳麓寺碑

此劉侍御豹南所贈者碑雖橫斷然餘字風神鏗鏘俱存俞仲蔚云勝雲麾信然

### 唐雲麾將軍碑

唐有兩雲麾將軍一爲李思訓碑在蒲州一爲李秀碑在良鄉皆李北海書昔人強分眞贗優劣殊爲未審余有詩云多少墨人空聚訟不知世有兩雲麾蒲城碑近有模本良鄉碑今移宛平縣署

### 唐郎官石柱記

唐尚書省郎官石柱記序朝散大夫右司員外陳九言撰吳郡張旭正書据跋舊爲吳郡都大僕家藏後歸震澤又歸葦州今爲商邱宋太宰所有丙戌都門出以示余骨峻神閑饒有晉人風韻余家藏旭草書頗多而楷法未見但據歐蘇曾黃董諸公題跋盛稱是碑不意于今獲覩眞所謂難得而可貴者也因携



歸旅舍展玩數日同友人仝車同弟芳艸題其後而歸之右帖歐公作郎官石記長公董適皆云石柱而山谷作廳壁按序云昇降年名各書廳壁訛誤多

總裁闕如以故左司郎中楊公慎餘伐石刊記建于

都省南榮云則知所謂廳壁者皆繫手書在此碑

未達之先此碑題目當以坡公石柱爲是山谷偶未

審耳是日西陂先生出西岳延熹碑與此同觀隸書

蒼勁固不待言而通體完好僅缺十字使紅豆老人

見之不知如何稱快耶此石原記開元二十九年後

金石續錄卷二

西學古齋校本

郎官姓名而此本止存其序與歐公所見本正同附識于此丙戌暮春慈仁僧舍書

唐尊勝陀羅尼咒

碑無年月但署嵩山隱士高岑書額云奉爲開元皇

帝造正書頗峻利

唐嵩陽觀碑

李林甫撰裴迥題額徐浩書蓋明皇詔方士孫太冲煉丹於嵩陽觀六轉而移緘山昇仙太子觀九轉而林甫頌之者也据碑投藥鼎中則河尹官屬封泥邛

署藥成駟獻則三事百僚奉觴稱賀且謂神丹一御  
與天無極君荒臣諂所以張大斯舉者可謂至矣是  
時去黃虵北來青驪南幸之日僅十一年耳王元美  
云不知南內辟穀自托元始孔昇真人豈亦曾得此  
丹力否可發一噓碑在今嵩陽書院門右高丈一尺  
濶六尺厚三寸許首趺稱是余嘗徘徊其下竊疑季  
海分隸肉厚力勁其工如此而歐公所謂唐四家者  
不之及且歐公凡再遊嵩嶽豈未見此碑乎而集古  
錄無有亦可怪也碑後天寶三載二月五日建用小  
篆康熙三十九年三月嵩陽書院書

金石續錄卷二

主學古齋校本

唐北岳廟碑

陳州長史鄭子春纂博陵崔鑲書鑲于唐無書名而  
分書之妙直與韓蔡雁行可寶也北嶽在今曲陽舊  
有漢光和四年碑見集古錄今已亡有余頃官都下  
從友人徐子壇長借燕趙諸碑刻獄廟僅得唐碑四  
種恒山封天安王銘李荃撰戴千齡書天寶七載建  
隸法類白石山碑其碑陰則唐傑撰亦戴千齡書較  
前頗小而加勁時似史晨其一則鑲書也他如大忍

寺門樓題額甚奇偉而書却不大佳附識于此

唐靈運禪師碑

塔建於天寶九年大理評事崔琪撰會善寺沙門勤  
缺二字書法雖出聖教而神氣局促大相縣絕王元美  
謂其絕類聖教無一筆不似過矣按碑沙門下乃勤  
字當是僧名而元美以爲勒亦誤

唐湛橋寺石像頌

寺在吾邑東南三十里据文乃天寶九年比丘道文  
造天宮石像而鑄頌其下也頌駢體皆宗門語頗亦

金石續錄卷二

古學古齋校本

不惡書法朴茂時兼分隸是時明皇方尙書學海內  
從風故善書者尤衆惜石缺名姓不存吾邑唐碑絕  
少急錄之

唐千福多寶塔碑

右碑南陽岑勛撰徐浩篆額顏真卿書塔僧楚金建  
元宗嘗賜錢五十萬絹千疋以助之又於花萼樓下  
賜塔額又賜絹百疋又賜金銅香爐高一丈五寸開  
元帝之迷惑濫費固不待言楚金一募化頭陀而岑  
勛以岳瀆之貌冰雪之姿望之厲卽之溫爲稱悖亦

甚矣塔天寶元年營建四年告成碑天寶十一年立  
時魯公方以朝議郎判尚書武部員外郎坡公云此  
碑爲魯公最初書已足與虞褚抗行矣何元美有佐  
史之恨也

唐永泰寺碑

碑天寶十九年建沙門靜彰撰頴川處士荀望書靜  
彰爲彼家之言固自不惡而荀正書亦穩重可觀其  
去駱文蔚中岳廟碑不啻百輩而葉并叔顧取彼而  
駁此何邪

金石續錄卷二

十七學古齋校本

金石續錄卷三

襄城 劉青藜 太乙著

唐代宗勅

代宗留心翰墨工於行書宣和書譜謂其筆法勁媚  
尙可追配昔人今觀此勅信然勅云戒分律儀釋門  
宏範用申獎導俾廣勝因允在嚴持煩于申謝

唐郭敬之家廟碑陰

碑行書精勁神采煥發不著書者姓名而趙子函謂  
非魯公不能余嘗於延津周子礎公家見魯公祭姪

金石續錄卷三

一學古齋校本

季明文與此酷肖近人楊碑多缺碑陰如此碑所載  
汾陽官闕及其兄弟子孫眞足補史家之漏何可闕  
也

唐元次山晤臺銘

元次山爲有唐名臣而詩文亦峻潔可誦所銘浯溪  
晤臺唐亭右堂在今永州府祈陽縣南五里丙戌夏  
余于慈仁寺市得臺銘一紙前書河南元結撰後題  
有唐大曆二年歲次丁未二月十五日刻不著書者  
姓名据山谷題壁及荅浯溪長新公書乃汪華合瞿

令問玉筋篆也而王元美疑此篆爲陽冰作或公自作之豈未見山谷語耶集古錄有臺錄而溪亭皆不載王阮亭先生云意歐公時二碑尙幽翳未出理或然也友人成周卜曾以浯溪諸銘見許丙戌五月十九日禮部習儀回書

唐大證禪師碑

右碑金紫光祿大夫門下侍郎平章事太清太微宮使崇元宏文館大學士上柱國齊國公王縉撰銀青光祿大夫行尚書吏部侍郎集賢殿學士副知院事上柱國會稽縣開國公徐浩書大歷四年建季海書較不空碑頗瘦而結體正同

唐中興頌

頌刻于永州浯溪崖上上元二年秋八月元結撰顏真卿書大歷六年夏六月刻魯公諸碑無大于此者歐公云模打旣多石亦殘缺世人所傳完好者多是傳模補足非其真者故子函疑王元美所獲恐是東刻余所見亦完好只缺一字耳訪之曾遊此地者皆云崖石如故不知歐公何以云爾按序天子幸蜀太

子卽位靈武二語据事直書而褒貶昭然後來作者  
惟山谷能暢其旨余嘗有靈武樂府云靈武帝苦太  
早胡不延俟冊寶南京使到差晚已尊上方相裴冕  
三十六日須臾耳可惜草草作天子七寶雕鞍爲誰  
頌樹雞無聲日對壘叱咤奪晨又一時飛龍小兒相  
表裏阿瞞歸來甘露閉在着山人費牙齒鶴駕鷄鳴  
望眼穿白首拾遺痛欲死意亦相同而筆力去十舍  
矣

唐于祿字樣

金石續錄卷三

三學古齋校本

此本宋時已磨糊近世楊者絕少丙戌于同年友呂  
無黨編修許見之云以千錢市得但不知是楊漢公  
模本否

唐元公次山墓表

此元公次山墓表也墓在魯山青條嶺泉陂原故吏  
大<sub>歷</sub>令劉袞江華令瞿令問等樹碑撰書皆出魯公  
手元公自是唐家賢臣而魯公亦贊揚盡致所謂忠  
烈義激文武直清信非溢美碑四面環書字大徑三  
寸許深厚穩重蓋魯公得意書也按碑公以道州刺

史轉容州都督兼本管經畧使丁內憂百姓詣使請  
留大[歷]四年拜金吾衛將軍兼御史中丞本管使如  
故公矢死陳乞者再三優詔哀許七年春朝京師四  
月薨于永崇坊旅館蓋公既宅憂節度使以百姓請  
留具疏故以本管使加拜金吾將軍御史中丞及陳  
乞詔許遂去官服闋入朝卒于京師碑所云四年七  
年者語自明悉而新唐書云會母喪人皆詣節度使  
府請留加金吾將軍民樂其教至立石頌德罷還京  
師卒於公矢死懇請優詔哀許皆畧而不書而于加

金石續錄卷三

四學古齋校本

金吾將軍下賚以民樂其教

云若公遂奪情留任

者然且云罷還京師者亦不合此皆記載之謬急宜  
釐正者至於兼御史中丞之漏猶其小者也公父延  
祖移家魯縣故公墓焉碑近移置學宮

唐贈揚州都督高公神道碑

此高力士神道碑也代宗時還其官贈揚州大都督  
碑大[歷]十二年勅建今殘闕僅存上段其事亦與史  
微有不同按史力士乃蕃將馮盎曾孫聖[歷]初嶺南  
擊討使李千里所上後坐累逐出中人高延福廼養



爲子故冒其姓而碑云則天命內官母養之又史云上皇徙西內十日爲李輔國所誣除籍長流巫州而碑云上元初避嫌請出皆不甚合豈有所諱而不敢言邪碑首列尙書駕部員外郎知制詔下缺不知撰書姓名行法頗似聖教但差肥耳

唐輔國大將軍行左神策將軍知軍事檢校右散騎常侍兼御史大夫義陽郡王符公神道

碑銘

符公諱璘合奇長子也耐菴富平之薄臺碑卽在其

金石續錄卷二

五學古齋校本

地合奇死田悅之難見新唐書忠義傳與碑大都相同其中微異者璘以三百騎送李納兵還齊與合奇嚙臂別乃與三子俱降燧而碑但云在重圍中父子密語云公計遂決乃使家僮潛通其誠似不若史

之詳又碑云合奇囑璘歸順璘泣曰悅忍人也璘苟脫去將不利于大人柰方寸何而史但云悅忍人也近禍可畏又不若碑之語意分明也碑李崇閔撰文甚朴質無唐人靡麗之習柳公權書較元秘塔字頗小而結構正同康熙丁亥七月十八日東軒書

唐殷夫人墓志

右誌在河南舊府治門內掘土得之委弃糞壤學博齊君懷瑜言于當事移置關將軍廟中剝落殊甚其可識者篆額唐錢塘縣丞殷餘首行錢塘縣丞府君

夫人

字三

側書并序二字次行第十三姪男金紫光

缺四

湖州刺史上柱國魯郡公真卿撰并缺誌云君

號

定瑯琊臨沂人北齊黃門侍郎之推府君之元

皇朝壽王記室思魯府君之曾著作郎宏文缺賢缺

之孫天皇曹王侍讀贈華州刺史昭甫君之季女以

金石續錄卷三

六學古齋校本

下文字益漫漶不可句昭甫魯公之祖夫人蓋魯公之父同產也書法類家廟碑而稍大歐公跋魯公斷碑云如忠臣烈士道德君子端嚴尊重使人畏而愛之雖其殘缺不忍棄也余于是誌亦然

唐淨住寺文賢像銘

右碑僅存上段据文乃河東裴行純寫佛像供養淨住寺以追薦其先者也撰書姓名俱不存碑云有道成法師者像極鑿體包觀露紐乘門之落構激俗諦之頌又云玉豪韻聖覽聲塵而可紀或畫像

卽出其手乎其分隸頗拘而近俗乃唐隸之下者

唐顏魯公東方朔讚

右碑在今陵縣字大徑三寸許方整奇偉不減家廟碑余於慈仁寺市曾見之

唐顏氏家廟碑

唐通議大夫行薛王友上柱國贈秘書少監國子祭酒太子少保顏君廟碑銘第七子光祿大夫行吏部尚書克禮儀使上柱國魯郡開國公眞卿撰并書顏氏世系官闕子姓行誼文學皆詳碑中後附云建中

金石續錄卷三

七學古齋校本

元年秋七月鐫畢八月眞卿蒙恩遷太子少師冬十月男頴封沂水縣男頊新泰縣男姪男頂丞縣男頌費縣男頊鄉縣男微軀官階勳爵並至二品子姪八人受封無功無能叨竊至此子孫敬之哉今在西安府學宮太平興國中都院孔目官李延襲語郡守從郊野移置

唐不空禪師碑

右碑嚴郢撰徐浩書建中二年建趙子函云結法老勁而微少清逸在唐書中似非其至者信然

唐爭座位書稿

此因菩提寺行香及興道之會郭代公指麾座次先  
魚朝烟於尚書而移書爭之也米元章云真蹟先  
豐縣先天廣德中牒起草在宣敎郎安師文處此刻  
不知何年上石亦不知係摹勒真蹟否然所謂字字  
意相連屬飛動詭詭形意狀得於意外者猶可識也山  
谷云此書雖奇特猶不及祭懷州文之妙惜未之見  
叔父云國初見一僧携有真本不知何處榻也

唐會善寺戒壇勅

金石續錄卷三

八學古齋校本

右碑汝州刺史兼御史中丞陸長源撰河南陸郛頴  
書貞元十一年建鄆書不多見此碑頗佳袁中郎嘗  
遊記亟稱之

唐少林寺厨庫記

厨庫寺僧法眞募建吏部侍郎顧少連撰洛陽合崔  
概書太僕寺主簿史鏞篆額貞元戊寅立是時杜黃  
裳爲河南尹實資助之故記有躬主辦之勤假清白  
之俸云杜賢相也亦傾信釋氏乎少連嘗吏登封  
與法眞有故故記中頗推許之概書似規摹廟堂然

神氣不逮也

唐楚金禪師碑

右碑草堂寺沙門飛錫撰翰林學士吳通衡書貞元二十一年建据碑承明三入宏道六宮后妃長跽云

云唐家之惑迷於釋氏可謂極矣碑後附載竇文場奏請追諡云千福寺先師楚金是臣和尚云彼髡

何物稱以先師且云是臣和尚何等語也而入之章奏乎閱之不勝大息通微書柔媚無骨真似女博士書謂有晉人丰度殊覺溢美

金石續錄卷三

九學古齋校本

唐羅池廟碑

按集古錄羅池神廟碑沈傳師書長慶元年建榻本未見而坡公所書荔子丹辭傳者甚多据跋語乃長沙帥安公藏本以授柳州推官刻之廟中者也字大徑尺奇偉雄健與退之辭可謂兩絕

唐嵩高靈勝碑

此大和間府尹王侍郎准制拜岳而衛尉少卿為詩寄之者也詩殊穉俗書亦粗疎其中御札字與三州守缺文示敬同一尊崇毫無差別何邪熙甯丁巳

中常侍王紳禱雨岳祠獲是石于圯墻下遂移置壁間云

唐銀青光祿大夫檢校禮部尚書使持節梓州

諸軍事兼梓州刺史御史大夫克劔南節度

副大使知節度事管内觀察處置靜

使上柱國長樂縣開國公食邑一千五百戶

贈吏部尚書馮公神道碑

右碑銀青光祿大夫守兵部尚書克皇太子侍讀兼

判太常卿事上柱國晉陽縣開國子食邑五百戶王

金石續錄卷三

十學古齋校本

起撰翰林學士朝議大夫守諫議大夫知制誥上柱

國河東縣開國男食邑三百戶賜紫金魚袋柳公權

書宿以開成元年卒蓋于萬年縣崇道鄉白鹿原按

新唐書宿本傳云婺州東陽人而碑云冀州長樂人

宜以碑爲正又以書說王武俊事傳甚詳而碑不載

但云移檄敵人示順逆之理寢李師古之謀而已似

不若傳之明悉韓文公愈以京師迎佛骨上疏切諫

忌公者因上之怒誣公實爲之出刺歙州徵拜刑部

郎中遷兵部郎中知制誥而傳畧之但云淮西平除

比部郎中長慶時 知制誥似不如碑之詳也誠懸  
此碑字與符璘碑小大結構相同而精采過之昔人  
論正書自魏晉迄唐得四十餘人公權與焉而趙子  
函謂其筋骨大露不免支離凡遇柳書無不力詆吾  
不解其何說也碑內哭于中唐之唐似是堂字而作  
唐何也

唐元秘塔碑

塔在長樂南原僧大達慧處元秘勅賜塔名建于會

昌元年裴休撰柳公權書碑叙大達見禮德順憲三

金石續錄卷三

十一學古齋校本

朝出入禁內隆遇備至所謂迎骨于秘殿親奉香爐  
爲乞福者卽韓文公表諫事且謂縛吳幹瀦蔡蕩鄆  
皆參用眞宗之明效當時君臣迷惑至此而以其  
人火其書直言危論于其間潮州之貶猶爲厚幸矣  
然卽此以觀文公衛道之功亦豈在禹下哉裴休酷  
信浮屠法演繹附著萬言與紇于泉善至爲棗門號  
以相子其爲文自應爾爾柳書勁悍自是法家子函  
以脫巾露肘貶之母乃過歟

唐圭峯禪師碑

碑在終南草堂寺柳公權篆額裴休撰并書歐公文辭事跡皆無足採而趙閑閑有平生最愛圭峯老獨有裴公無媿詞之句何邪休書雖彷彿道因碑而有穉氣子函乃云勝柳大抵子函喜歐虞而不喜柳故于柳書多微詞耳

唐張旭斷碑千文

書甚奇怪惜殘缺不完山谷云長史帖多贗作人聞張顛未嘗見其筆墨遂妄作狂蹶之書託之長史其實張公姿性顛逸其書字字入法度中也

金石續錄卷三

十二學古齋校本

唐張旭肚痛帖

此書變化流轉又有法度乃知千文非長史真本也

唐懷素藏真帖

藏真懷素字帖述洛下與顏尚書論張長史筆法事他書所紀屋漏痕古釵腳當是此時語也素乃錢起仲文之甥仲文有送甥懷素上人省親詩僧家自有規亦罕事

唐懷素律公帖

律公不知何許人帖凡二一因求書一因問疾素師



以好事許之信不虛也此與藏真帖俱用遊絲法皆游師雄刻石周越跋字亦雄偉但素師在前不免玉山照人何

唐懷素聖母帖

懷素貞元九年書元祐戊辰上石所紀述者亦謝自然之流而稱聖母殊爲可笑素書輕逸圓轉直似張伯英黃長睿所謂授裳像爽等字雜章草法者卽是書也

唐懷素草書千文

金石續錄卷三

三學古齋校本

懷素千文真蹟米元章云在蘇液處沈邁刻版是也此碑刻手不佳用筆曲折處皆糊塗不清神氣全失乃成化間余肅敏公勒石者戊子中秋書


唐懷素自叙帖

懷素自叙帖据寶章待訪錄云在朝奉郎蘇液處杭州沈氏嘗刻版本而文衡山跋云成化間此帖藏荆門守江陰徐泰家後歸徐文靖再歸吳文肅最後爲陸冢宰所得陸被禍遂失所傳其後獲觀因雙鈎入石余謂此帖固佳但時而縱筆稍涉狂放尙不及聖

母帖也

唐草書心經

此經王元美謂駙馬鄭萬鈞書跡縱不中懷素作奴  
余尤嫌其有俗氣然不知果出萬鈞否也



金石續錄卷三

古學古齋校本

金石續錄卷三終

金石續錄卷四

襄城 劉青藜 太乙撰

宋中嶽廟記

乾德三年河南留守建中嶽廟行廊百餘間鄉貢進士駱文蔚撰并書文蔚字惡令人不欲屬目而葉井叔乃云書似率更殊不可解

宋會善寺佛殿記

翰林院學士朝請尚書兵部郎中知制誥柱國賜紫金魚袋王著撰攝大理評事王正己書宋有兩王著

金石續錄卷四

一學古齋校本

此碑立於開寶中當是前王著也文殊不佳正己書雖學聖教而肥緩近俗正所謂院本者寺殿爲朱梁僭號時折取材木故記有撤深嚴之寶殿增壯麗於國門之語

宋徐休復謁孔子廟記

淳化二年給事中徐休復謁孔廟記彭辰公書記云非學先師之文何以脫紅塵上清漢至爲鄙陋而展書亦穉俗因家藏宋人分書少姑存之

宋贈夢英大士詩

咸平元年刻廬嶽僧正蒙書書學誠慙幾於亂眞贈  
詩者皆宋初諸名公而極其不堪且措辭命義如出一  
手疑假托且希存隱者亦未必爲近體贈人詩也  
宋中嶽醮告文

此大中祥符八年醮告文也天禧三年立石是時天  
書方興故封岱之後遍祀群嶽所謂綠錯之圖叠承  
於錫羨紫烟之燎言獲於升中卽其事也文在中嶽  
廟殿前石幢六面環刻待詔劉泰初書與王正己碑  
俱屬院體

金石續錄卷四

二學古齋校本

宋晏殊巢父井詩

晏原獻詩皇祐辛卯署汝州團練判官廳事呂書  
原獻七言近體載宋文鑑者楚楚有致而此詩殊冗  
俗呂書亦不足觀也

宋瀧岡阡表

碑無書者姓名但署歐公名銜而已此表千古絕調  
而書殊不稱不知出于誰手歐公平時最重蔡君謨  
書而坡公又其門下士何不一屬書也山谷集載海  
神借觀碑文事甚誕然山谷不應如此作僞

宋黃山谷臥羊山題名

臥羊山在葉縣之北官道旁石上題名甚多皆不足  
觀山谷題名在山西隅蓋尉葉時所題也余有詩紀  
之云昆陽城北漁水旁山石巖巖如臥羊此地往還  
經幾度跬步未到空徬徨霜清木落原野淨興來偶  
逐南鴻翔手携筇杖穿犖嶺四顧何異黃茅崗大小  
石皆斧劈皴側理鏡平滑且光老僧云此地多題名  
披尋奚翅寸百行俗物茫茫敗人意恨無袖椎擺雷  
碾西遠龍池向丁戊掉頭欲去殊悵悵荆棘叢裏發

金石續錄卷四

三學古齋校本

光怪瞥眼大蚪喜欲狂文曰黃庭堅魯直同遊王從  
握李康時維熙籟歲庚戌崔源募工鐫分朗鉄畫銀  
鈎廿九字鸞停鵠峙劍吐芒雨淋日炙七百載依然  
完好無缺戕憶公作尉歎遄回希踪漫叟詞激昂五  
斗米奪一溪樂雨鬢飄零四時忙毒螫草搖霜威烈  
手板愆期呵汝陽煙沙篁竹鷓鴣岍江南歸夢何曾  
償鳳凰在笳驪伏櫪羈棲已足令人傷况乃鬼門驢  
瘦嶺他年萬死投遐荒自古賢豪多坎壈撫茲遺跡

爲慨慷

宋嵩陽題名

幢在今嵩陽書院漢栢之南有宋祖無擇寇仲武蘇舜欽李仔肩宋仲基王通玉王敬叔蘇注陳知儉邢儔蔡京諸人題名錯落其上又有數行云余與子由考試西洛進士畢同遊二室諸寺最後過天封精王觀道子畫遂行熙甯五年九月十日也其下不題姓名或傳爲坡公書按坡公熙甯五年十月方監試杭州安得至洛袁中郎以爲當是西京教授王平甫輩然亦無從考也嵩少間唐人題名甚夥今多不存惟

金石續錄卷四

四學古齋校本

嶽廟崇福宮三醉石尙有宋人題名以瑣碎不錄

宋黃山谷書達磨碑

字大徑尺許筆力軒翥神手煥發寥寥十二字直與少室爭雄

宋蘇東坡歸去來詞詩

元豐四年九月書石在長安余所收坡帖頗多如西湖詩浪淘沙詞之類疑皆近世木楊故不具論

宋東坡蜀岡詞

詩刻在揚州上方寺石已斷王阮亭先生官司李日

用鉄束之植于寺中并次原韻刻石其側余所收乃  
郝縣刻也

宋蘇子瞻書醉翁亭記

此書體兼眞行草策勒波磔無一筆似長公王元美  
疑其非眞信然此記爲文壽承摹刻乃高新鄭所得  
繳廢邸本也余曾見孫氏家藏乃坡公楷書字大徑  
五寸餘

宋米元章方圓庵記

元章題記後云元豐癸亥四月九日慧日峯守一記  
金石續錄卷四

五學古齋校本

不二作此文成過予愛之因書書法原本聖教而過  
用側筆取勢遂近于佻與米他書不類也

宋米元章干文

此元章奉勅以黃庭筆法書干文也書殊不肖黃庭  
余弟嘯雲酷嗜米書如茗溪別友詩大士讚獅子贊  
虎邱詩王宰山水歌阿房宮賦告夢文十紙說百花  
詩知止閣之類不下二十餘種而集帖不與焉余謂  
其體製雖殊而用筆則一故不具論

宋蔡襄畫錦堂記

書錦堂在今彰德府鼓樓之西順治間掘地得是碑  
今移於城東南隅韓魏公祠余在京師曾見榻本端  
重嚴勁絕類魯公宋人稱爲本朝第一信不虛也彰  
德尙有醉白堂記韓魏公先塋碑惜未寓目

宋蔡卞曹娥碑

卞書固自不惡宣和書譜謂其圓熟未至稍露圭角  
殊尤

宋刻真武經

元符二年河南宋傅書楷則工穩但過于矜持少事

金石續錄卷四

六學古齋校本

外遠致耳

宋于真庵記

此庵徽宗爲道士于元隱羽化造都轉運使任諒爲  
記而集唐虞褚薛徐歐柳李諸書者也集刻誠佳但  
不免子函百衲之譏

宋絳州孔子廟碑

此亦集右軍書與河東運城鹽池碑正相等不及聖  
教遠甚

宋三十六峯賦



賦四明樓異合嵩時所作僧曇潛書建中靖國元年  
刊賦中或背若相戾一段辭意多本南山詩曇潛從  
坡公遊數見公集中宜其書法之酷肖也

宋竹林寺羅漢洞碑記

洞造于崇甯元年釋有挺撰知永安縣王適書碑已  
燬金大定十九年僧淨浩重上石甯陵比丘廣真書  
記文荒誕不足道特行書頗有米海嶽筆意姑存之

宋黃山谷題中興頌碑後詩

此詩山谷集但云題中興頌後石刻云崇甯三年三

金石續錄卷四

七學古齋校本

月已卯風雨中來泊浯溪進士陶豫李格僧伯新導  
道同至中興頌厓下明日居士蔣大年石君豫太醫  
成權及其姪逸僧守能志觀等俱來又明日蕭褒及  
其弟哀來三日徘徊厓次請余賦詩老矣豈復能文  
強作數語惜秦少遊已下世不得此妙墨劉之崖石  
耳後署云修水黃庭堅字魯直諸子從行相棧柁楫  
舂陵尼悟起山谷此詩議論正大筆力雄偉真足與  
元頌顏書鼎峙雖張文潛作且不逮也按元公時議  
三篇乃肅宗因蘇源明薦召詣京師問所欲言而上

詩云春陵二三策似可商

宋修孔廟記

此大觀元年修孔廟記也字瘦勁而多姿亦宋碑之佳者在吾邑學宮東廡下

宋嵩嶽題名

王仲薨鄭修年弟億年李伯達向子誼宣和乙巳七月來正書絕似坡公

宋元祐黨籍碑

据沈暉題識乃嘉定辛未重鑿於真仙岩者也暉曾

金石續錄卷四

八學古齋校本

大父名在第六十三人故暉權融州時出藏本刊之碑內共三百九人章惇附後王院亭先生云黨籍碑凡三立初百五人皆正人也其後人益多並小人之不相合者亦列之暉所据想後本耳

宋克寶文閣待制韓宗道墓誌銘

宗道字持正韓忠憲公億之孫知制誥綜之子官寶文閣待制誌曾肇撰趙挺之書子開爲文宋史稱其溫潤有法信然挺之書全學皇甫碑宋書之具唐體者也

宋慶成軍使韓宗厚墓誌銘

宗厚字敦夫與宗道同祖比部郎中緜之子韓氏宋時爲中原巨族其塋墓在潁昌府長社縣嘉禾鄉靈井里二墓順治間被掘銘在今韋家莊廟中宗厚誌朱光裔撰杜絃書視宗道誌如出一手宋史宗道附其父綜傳無他事實而緯與宗厚不見

宋游公師雄墓誌銘

游公師雄墓在武功縣西原鳳岡誌張舜民撰邵鐸書游公宋史有傳與誌相符邵書亦圓勁但稍滑耳

金石續錄卷四

九學古齋校本

宋朱文公書

右朱文公所書易有太極一段蔡元定刻筆力古勁眞足俯視一切文公自云學孟德書信不虛耳

金趙秉文草堂詩

閑閑草堂寺絕句五首乃正大乙酉奉使夏臺回所

題行書清矯余友車同急稱之

閑閑詩云南山常讀退之詩不及煙雲潤

色之余謂橫雲時平凝默默露數岫韓公固嘗道及閑閑或未偶審耳

金修孔子廟碑

碑在邑學宮東廡簷間李春嚴撰文麻九疇題額趙

翬書正大丙戌建字亦穩重因錄之

金竹閣寺碑

資政大夫襲封衍聖公知集賢院事兼大常丞孔元措篆額金奉直大夫應奉翰林院文字雷淵掇昭勇大將軍

草場監支納官陳仲謙分書寺

在三鄉之西元光二年建希顏金源豪傑之士元遣山盛稱之且云文章號一代不數人者此記可見一斑也仲謙書方整但少神韻耳余與全子車同過其地徘徊久之車同舊題一絕云修竹何曾見一竿寺

金石續錄卷四

十學古齋校本

僧去盡寺門關空餘一片元光石日對門前女几山

金葉令劉雲卿去思碑

雲卿爲葉令蠲除逋賦民甚賴之見元遺山宛邱行注金史本之碑趙閑閑公揆并書閑閑金源名宿文頗不盡所長行法極似元章但石理粗漸墜裂耳碑從無榻者余曾有長句向友人索之云昆陽令尹多好奇天龍降後仙鳧飛兒戲鬼怪兩無取驚愚惑衆將奚爲雲卿作事獨尋常但知拊摩寒與饑懸逋如山片時蠲流者還鄉居者嬉鐫功勒德垂貞珉墮淚

不數羊叔碑當時豈少秉筆徒獨向閑閑公乞辭意  
取人文兩相稱流傳萬古無凋墮遺山老子同時傑  
宛邱命篇何淋漓我嘗讀之再三歎但恨未暗遺愛  
詞平生性耽金石文直與歐趙爭依稀離家三舍目  
未徧踈漏豈免高人喙蟲鼠一丈老栢下闕宮昨日  
方一窺馬秣車脂不可留手摹心艷空移時南遊方  
城抵宛鄧荒詞破塚搜靡遺少伯廟與朱穆墓范曾  
撰刻中郎攜雨淋日炙樵斧劈龜跌零落徒嗟咨媚  
生謾死佞佛老鏡鐫所在蟠蛟螭鳴吠不入孝穆耳

金石續錄卷四

上學古齋校本

掉頭疾走猶嫌遲匝月南北半于路片石韓陵將在  
斯况今髯李森如麻牛頭租外窮毫釐陽城元結號  
迂拙雲卿名姓知者誰奇章架上富刻藤南郡帳裏  
多踰糜願榻萬本爲我贈移作官箴蘇遺黎豈徒好  
事恣吟玩蒐羅點綴盈茆茨

奇章謂牛相辰  
南郡謂馬季白

元少林寺裕公碑

碑延祐元年建程鉅夫撰趙孟頫書書殊謹飭但少  
姿態耳子函目以圓熟過矣

元祐聖觀重建元武殿記

此記元明善撰趙孟頫書犀利之中恣態橫生自是  
松雪本色元美謂摹北海子函謂失肥緩殊不爾也  
元重刻李愿歸盤谷序

是序唐貞元間濟源合崔狹勒石歐公云已磨滅而  
都元敬云石在縣民張端家顧亭林金石文字記云  
宋元祐八年傅堯俞重刻余所收乃元時重刻史庭  
玉書殊不足觀後附李俊民詩亦不大佳

元刻唐太宗幸慈德寺詩

太宗貞觀六年十六年兩幸慈德舊宅有詩二篇天  
金石續錄卷四

三學古齋校本

聖中神世衡曾刻石正大中重刻首陽山僧惠鑒書亦  
穩重可觀

